

Inatsisartut Suleriaasianni § 33 naapertorlugu Naalakkersuisut aalajangiiffigisassatut siunnersuut tulliuuttoq Inatsisartunut saqqummiuppaat:

Taarsigassarsisitsisarfinnut aningaasaliisarnermillu ingerlatsivinnut aningaasaateqarnissamut piumasaqaatit nakkutilliinermullu piumasaqaatit pillugit Kalaallit Nunaanni inatsisip allangortinneqarnissaanut siunnersuut ((EU) peqqussut nr. 575/2013 taarsigassarsisitsisarfinnut aningaasaliisarnermillu ingerlatsivinnut nakkutilliinermik piumasaqaatit) kiisalu aningaasalersuisarnermik ingerlatsineq pillugu inatsisini assigiinngitsuni aalajangersakkat Kalaallit Nunaannut atuutilersinneqarnissaanik peqqussummut ilaalernissamut siunnersuut kiisalu aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip allangortinneqarneranut inatsisit assigiinngitsut aamma aningaasaqarnermi patajaassuseq pillugu inatsisip atorunnaarsinneqarnera pillugu inatsisip Kalaallit Nunaannut atuutilersinneqarnerat pillugit peqqussummut Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut

(Aningaasaqarnermut Naligiissitaanermullu Naalakkersuisoq)

Tunngavilersuut

Inatsisissatut siunnersuutit saqqummiunneqartut kunngillu peqqussutaanut missingiummik ilanngunneqartumik akuersineq, aningaasalersuisarnermik ingerlatsivinnut malittarisassat assigiit Kalaallit Nunaanni Danmarkimilu kiisalu EU-mi atuunnerannik qularnaarinneqataassapput. Taarsigassarsisitsisarfiit patajaatsuunerata nukittorsarnissaa aningaasalersuisarnermilu aalaakkaanerup annertusarnissaa EU-mi peqqussutip kunngillu peqqussutaasa siunertaraat, peqatigisaanillu malittarisassat taarsigassarsiassanik akunnermiliuttuunermik, siuariartornermik suliffissaqartitsinermillu ikorfartuinerup aalaakkaasuunissaa siunertaavoq. Kalaallit Nunaanni aningaasalersuisarfiit taamaalillutik aningaasanik ajornannginnerusumik periarfissaqalissapput. Malittarisassattaq naalagaaffeqatigiit iluanni niueqatigiinnermik ikorfartuisuussapput, nunatsinnilu aningaasalersuinermik ingerlatsiviit nunarsuarmi sullississutiminnik neqeerooruteqarsinnaanerannik periarfissiinermik qularnaarinnittuussallutik.

Tunuliaqutaq

Taarsigassarsisitsisarfiit aningaasaliisarfiillu aningaasaateqarnissaannut nakkutilliinernullu piumasaqaatit pillugit nunatsinnut inatsit 2015-imi upernaakkut ataatsimiinnermi immikkoortoq 107-tut akuersissutigineqarpoq. Inatsisikkut ilaatigut aalajangersakkat Europa-Parlamentip Europa Rådillu peqqussutaanut (EU) nr. 575/2013, 26. juni 2013-imeersumut naapertuuttut atuutilersinneqarput. Inatsit aningaasaateqarnissamut piumasaqaammut peqqussut tunuliaqutaralugu CRR-mut (Capital Requirements Regulation) inatsisitut taaneqartarpoq.

Kalaallit Nunaanni aningaasalersuisarnermik ingerlatsiviit il.il. aningaasalersuisarnermik inatsisunik malinninnerat Danmarkimi Finanstilsynip nakkutilliinermi atatillugu nakkutigisaraa. Tassani aamma inatsisit EU-p inatsisaanik aallaaveqartut ilaapput. Inatsisissatut siunnersuutip tamanna

allangortinngilaa. Kalaallit Nunaata EU-mut ilaasortaanginnera pissutigalugu, EU-mi peqqussutit Kalaallit Nunaanni toqqaannartumik atuuffeqanngillat. Inatsisissatut siunnersuutikkut Kalaallit Nunaanni – Kalaallit Nunaani nalimmassakkanik – Danmarkimi EU-milu malittarisassat assinginut naapertuuttunik malittarisassaqaarnera inatsisissatut siunnersuutip qulakkiissavaa.

Imarisaa

Inatsisissatut siunnersuummi saqqummiunneqartumi CRR-mik inatsimmut teknikikkut allannguutit arlallit siunnersuutigineqarput. Aningaasalersuisarfinnut aningaasaliisarfinnullu aningaasaateqarnissamut nakkutilliinermullu piumasaqaatinut malittarisassat EU-mi peqqussutsip allangortinneqarneratigut nutarternissaat siunniunneqarpoq.

Siunnersuut peqqussutip (EU) nr. 575/2013 ima allangortinneqarneranik aallaaveqarpoq:

- 1) Europa-Parlamentip Rådillu peqqussutaat (EU) 2019/876, ulloq 20. maj 2019-imeersoq (CRR II):
Peqqussut ilaatigut taarsigassarsisitsisarfiit taarsigassarsisitsineranni aningaasalersuisarnerup patajaassusaanik annertusaanissamik, ingerlatallu allat naammattumik patajaassusilimmik piffissarlu ungasinnerusoq isigalugu aningaasalersorneqarnissaannik siunertaqarpoq. Kingullermik aningaasaqarnikkut ajornartorsiulernerup atuutilernerani niuerfiit aarleritsassimaarneranni sivikitsumik aningaasalersuinissamut periarfissat ajornakusoortinneqalerput.
- 2) Europa-Parlamentip Rådillu peqqussutaat (EU) 2019/630, ulloq 17. april 2019-imeersoq (Non-performing exposures (NPE)):
Peqqussut ilaatigut aningaaseriviit piffissaagallartillugu naammattumillu taarsigassarsianik taarsersuineramik sumiginnakkanik annikillilerinerannik qulakkeerinnikkut, taarsigassarsiat taarsersorneqarnerisa sumiginnakkat annertusiartornissaannik killiliinissaq siunertarineqarpoq. Aningaaseriviit taamaalillutik taarsigassarsiarititaminnik killiliinissamut aarlerinaataat annikillineqarluniluunniit amerlasoorujussuit taarsersorneqarnerisa sumiginnarneqarnerisa malitsigisaanik ajornartorsiulernissaat killilerneqarpoq.
- 3) Europa-Parlamentip Rådillu peqqussutaat (EU) 2020/873, ulloq 24. juni 2020-meersoq (CRR covid-19-imullu attuumasumik aqqigalliinerit):
Taarsigassarsititsisarfiit suliffeqarfinnut inuinnarnullu covid-19-imik ajornartorsiorerup nalaani suli taarsigassarsititsisarnermik ikorfartuinissamik kingornalu aningaasaqarnerup nukittorsaqqinnissaanik peqqussut ilaatigut siunertaqarpoq. Peqqussulli taarsigassarsisitsisarfinnut aningaasaateqarnissamik piumasaqaatit ilaannik sakkukilliliivoq.

Manna inatsisissatut siunnersuutip atuutilersinneranut peqatigitillugu kunngip peqqussutissaanut missingiutit ilanngunneqartut inatsisissanik allannguutit ilaat – Kalaallit Nunaanni pissutsinut naleqqussakkat – atulersinneqarnissaat siunertaavoq. Inatsisit siusinnerusukkut kunngip peqqussutaatigut Kalaallit Nunaanni atuutilersinneqarput. Taakku saniatigut aningaasaqarnermi patajaassuseq pillugu inatsit atorunnaarsinneqassaaq. Aningaasalersuisarnermik ingerlatsineq pillugu inatsimmut allannguutit Danmarkimi inatsisit allannguutaasa arlallit malitsigaat, ilaatigullu aningaasalersuineramik ingerlatsiviit pingaarutillit (SIFI-t) sillimmateqarnissamullu piumasaqaatit

malitaasut il.il. pillugit allannguinerit imaqarlutik. Aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip allanngortinneqarnera, Danmarkimi inatsisip allannguinerit arlallit malitsigaat, allannguutillu arlallit aningaasalersuisarnermik ingerlatsineq pillugu inatsimmik allannguinermit ataqatigiissinneqassapput.

Pisortanut aningaasaqarnikkut kingunerisassat

Siunnersuut Kalaallit Nunaani pisortanut aningaasatigut annertunerusumik kinguneqartussat naatsorsuutigineqanngilaq. Siunnersuut danskit Erhvervsministeriaqarfianut taassumalu ataani oqartussaqaarfinnut nakkutilliinerup annertusarneqarnera pissutigalugu aningaasatigut kinguneqaateqartussat nalilerneqarpoq.

Namminersorlutik inuussutissarsiortunut, innuttaasunut il.il. aningaasatigut allaffissornikkullu kingunerisassat

Kalaallit Nunaanni sullivinnut kallarneqartutut allaffissornikkut kinguneqaateqarnissaa naatsorsuutigineqarpoq. Kingunerisassat taakku 4 mio. kr.-t ataallugit annertussuseqartussat nalilerneqarput. Kinguneqaataasussat naatsorsuutigineqartut annertuumik nanertuutaanissaat naatsorsuutigineqanngimmat, erseqqinnerusumik kinguneqaatissat naatsorsorneqanngillat. Siunnersuut toqqaannartumik aningaasaqarnikkut allaffissornikkullu innuttaasunut kinguneqarnissaa naatsorsuutaanngilaq.

Tusarniaaneq

Siunnersuut piffissani 15. december 2022 - 19. januar 2023 aamma 6. februar - 20. februar 2023 tusarniaaffigisasassani toqqaakkani tusarniutaavoq, taamatullu aamma www.naalackersuisut.gl tusarniaanermik nittarsaavimmi tamanut takusassiarineqarluni.

Ilanngussat

1. Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatit pillugit inatsisip allanngortinneqarnera pillugu siunnersuut (Taarsigassarsititsisarfinnut ingerlatsivinnullu aningaasaliisartunut nakkutilliinissat pillugit piumasaqaatinut peqqussummut allannguutissatut peqqussummut ilaasa Kalaallit Nunaannut atuutilersinneqarnerat pillugu (EU) peqqussummut nr. 575/2013) kiisalu aningaasalersuisarnermik ingerlataqarneq pillugu inatsimmi aalajangersakkanik assigiinngitsuni aalajangersakkanik allannguinerit Kalaallit Nunaannut atuutilersinneqarnerat pillugu peqqussummut ilaalernissamut siunnersuut kiisalu aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu inatsisip allanngortinneqarneranut inatsisip assigiinngitsut aamma aningaasaqarnermi patajaassuseq pillugu inatsisip atorunnaarsinneqarnera pillugu inatsisip Kalaallit Nunaannut atuutilersinneqarnerat pillugit peqqussummut Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut pillugu tusarniaanermut allakkiq.
2. Taarsigassarsititsisarfinnut aningaasaliisarnermillu ingerlatsivinnut aningaasaateqarnissamut piumasaqaatit nakkutilliinermullu piumasaqaatit pillugit Kalaallit Nunaanni inatsisip allanngortinneqarnissaanut siunnersuut ((EU) peqqussummut nr. 575/2013) taarsigassarsititsisarfinnut aningaasaliisarnermillu ingerlatsivinnut nakkutilliinermik

piumasaqaatit) ilanngussat 1-3 ilanngullugit. Ilangussat 1-3-t EU-mit teknikikkut allannguissamut peqqussutaapput, (taakkunanilu ataaseq 300-nik qupperneqarluni) . Allannguissamut peqqussutit imarisai inatsisissatut siunnersuutip oqaaseqaataani aamma eqikkarfiani allaaserineqarput.

3. Taarsigassarsisitsisarfinnut aningaasaliisarnermillu ingerlatsivinnut aningaasaateqarnissamut piumasaqaatit nakkutilliinermullu piumasaqaatit pillugit Kalaallit Nunaanni inatsisip allanngortinneqarnissaanut siunnersuut ((EU) peqqussut nr. 575/2013 taarsigassarsisitsisarfinnut aningaasaliisarnermillu ingerlatsivinnut nakkutilliinermik piumasaqaatit) eqikkarnera.
4. Aningaasalersuisarnermik ingerlatsiviit pillugit inatsisip Kalaallit Nunaanni inatsisini assigiinngitsuni aalajangersakkat allanngortinneqarnerat pillugu kunngip peqqussutissaanut missingiut.
5. Aningaasalersuisarnermik ingerlatsiviit pillugit inatsisip Kalaallit Nunaanni inatsisini assigiinngitsuni aalajangersakkat allanngortinneqarnerat pillugu kunngip peqqussutissaanik eqikkaaneq.
6. Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu inatsisip allanngortinneqarneranut inatsisit assigiinngitsut aamma finansielt stabilitet pillugu inatsisip atorunnaarsinneqarnissaa pillugu inatsisip Kalaallit Nunaannut atuutilersinneqarnerat pillugit peqqussummut missingiut.
7. Aningaasersuineramik ingerlatsisut ilaasa ilusilersoqqinneqartarnerat atorunnaarsinneqartarnerallu pillugu aamma Finansielt Stabilitet pillugu inatsisip atorunnaarsinneqarnissaa pillugu inatsisip Kalaallit Nunaannut atuutilersinneqarnerat pillugit peqqussummut eqikkaaneq.